

南
雷
文
定

南雷文定卷六

遼陽靳治荆較訂

余若水周唯一兩先生墓誌銘

丁巳

嗟乎名節之談孰肯多讓而身非道開難吞白石體
類王微常須藥裹許邁雖迹猶勤定省伯鸞雖簡尙
存室家生此天地之間不能不與之相干涉有干涉
則有往來陶靖節不肯屈身異代而江州之酒始安
之錢不能拒也然靖節所處之時葛巾籃輿無鉗市
之恐較之似爲差易活埋土室長往深山吾於
會稽余若水甬上周唯一兩先生有深悲焉若水名

增遠字謙貞曾祖古愚祖相肇慶府通判父幼美封
兵部尙書尙書五子長煌字武貞天啓乙丑進士第
一人季增雍太平知縣若水其中子也登崇禎癸未
進士第除寶應知縣劉澤清開府淮南欲以公禮格
郡縣若水投版棄官而去畫江之役補禮部儀制司
主事陞郎中唯一名齊曾字思沂高祖薇工部員外
郎曾祖柔祖煬父臺唯一登癸未進士第除廣東順
德知縣邑中多盜以爲此饑寒所致古人社倉之法
意非不美然而其利易盡於是變社倉爲義田而以
社倉之法行之可以久遠又倣弓箭社之法行于西

北者行之東南修飾僕區沈命之術盜一發卽得攝
香山縣香山與黎人相望一海土官欲渡海入堊直
指許之唯一不可乃止閩中立國其首輔香山人下
教有不便於民者唯一卽解職歸兩先生之出俱當
兵○戈○旁○午○之○日○若○水○無○以○自○見○唯○一○之○所○見○者○亦○小
小○及○民○之○事○不○足○以○盡○其○長○也○桑○槩○之○交○武○貞○投○水
死○若○水○逃○山○中○不○出○郡○縣○逼○之○入○見○若○水○乃○輿○疾○城
南○以○待○齋○斧○久○之○而○事○解○聚○村○童○五○六○人○授○以○三○字
經○晨○則○秉○耒○而○出○與○老○農○禱○作○較○量○勤○惰○未○嘗○因○其
貴○人○而○讓○畔○也○同○年○生○王○天○錫○爲○策○道○欲○與○話○舊○若

水辭以疾天錫披帷直入若水擁衾不起曰主臣不
幸有狗馬疾不得與故人爲禮天錫執手勞苦未出
門數步則已與一婢子擔糞灌園矣天錫遙矚嘆息
而返冬夏一皂帽雖至昵者不見其科頭已酉歲十
月十三日卒年六十五蓋二十有四年不離城南一
步也唯一遞入剡源盡去其髮而爲髮塚曰惟松有
聲可以無哭惟甃有露可以無泪唯烏石依依可無
吊客架險立瓢榜曰囊雲自稱無髮居士剡源饒水
石與山僧樵子出没瀑聲虹影之間軍持不借時掛
於萬仞叢林遂欲以法付之一笑而已王天錫求見

唯一止之曰烟裡程途朝不知暮宿所故人咫尺舉
目有山河之異辛亥歲三月二十日卒年六十九夫
斷○之○令○屈○以○威○武○惟○死○足○以○拒○斷○若○水○拒○斷○而○不
死○非○倖○也○其○心○固○拚○平○一○死○也○唯○一○盡○斷○其○餘○不○能
拒○也○然○斷○其○餘○非○令○之○有○則○猶○之○乎○拒○也○其○時○爲○僧
者○多○矣○而○嗣○僧○之○法○則○無○與○于○此○也○所○謂○威○武○不○能
屈○者○兩○先○生○庶○幾○近○之○若○水○草○屋○三○間○不○蔽○風○雨○以
鼈甲承漏臥榻之下牛宮鷄築無下足處生人之趣
都盡唯一山林標致一器之微亦極其工巧嘗拾燒
餘爲爐拂拭過于金玉又得懸崖奇木製爲養和坐

臥其間兩先生之不同如此若水慨世路之逼仄遂疑苟卿性惡百王無弊著論以非孟唯一機鋒曳電汪洋自恣寓言十九然清苦自立胸中兀然有所不可不以牛跡之安途避亂群之近憂者是則同若水出自崑山朱相國震青之門唯一出鹽官吳太常磊齋之門相國則先忠端公之門人也其淵源有自若水疾革余造其榻前命兒子正誼爲之切脉若水曰某祈死二十年前反祈生二十年之後乎余泫然而別唯一未嘗一面人傳其詩怪甚僧解齊持一詩來愧不悉除鬚髮去猶畱松下孤身我來仍與松

爲樹未必松呼我是人余讀之了不見其可怪也若
水配姚宜人子三金體金和金繩唯一配袁孺人子
四天行時行攸行中行庚戌歲金體介陳天若求銘
余未及爲後七年天行介李果堂求銘余倣葉水心
併誌陳同父王道父之例以誌兩先生同父道父猶
有顯晦之別若兩先生則屈賈李杜之同傳兩家子
第刻于墓以信德之不孤也銘曰
不○有○死○者○無○以○見○道○之○界○不○有○生○者○無○以○見○道○之○大
賢○生○賢○死○返○之○心○而○無○害

翰林院庶吉士子一魏先生墓誌銘

天啓朝以攻逆奄而死者一十有三人其後人爲世所指名者唯黃魏兩家李賊陷都城子一死之是亦可以免於疑論矣顧四十年以來子一之大節尙然沈滯則黨人餘論錮之也乾坤未毀所賴吾黨清議猶有存者子一以同難視余猶弟余老矣可不及其未死披發白日乎子一之子札以墓銘來請亦復何辭子一諱學灑別號內齋魏氏吳之舊姓世爲嘉善人曾祖祥祖邦直皆贈太常寺卿父諱大中吏科都給事中以直諫死謚忠節妣錢氏封淑人忠節有才

子三人長學伊字子敬所謂魏孝子也次子一次學
洪字子聞子一風神傑出少受學于子敬卓犖不群
年才六應試邑令康元穗奇之使冠多士不因忠節
在要位也乙丑忠節受難孝子捐生遺孤滿室追吏
坐門子一紹述荒屯輸寫心力破巢之下復有完卵
逆奄欲誅忠死之家哀榮已備而導之興獄者阮大
鳳傳柩方改頭換面捲土重來子一刺血上書申復
言之義天子愍然爲之動容下其章大賊久依城社
不畏薰燒僅以考功之議上于一復上疏力爭卒麗
丹書詞等諸子先後謝恩闕下余年最少共推子一

爲文設祭詔獄中門讀文未畢莫不在哭觀者亦哭
左右入告烈皇烈皇曰忠臣孤子甚惻朕懷甲戌塋
忠節迎餞山夫子題主會葬者千人子一布置閑通
不露貧狹吳子選陳幾亭皆子一姻家因請蒞山講
學於丙舍讀書柳州與長洲薄子珏務爲佐王之學
兵書戰策農政天官治河城守律呂鹽鈔之類無不
講求將以見之行事逆知天下大亂訪劍客奇才而
與之習謝角藝不盡其能不止直指督學行部謁廟
講書故事殿抽一二諸生敷演儀文子一不待宣及
奮袖橫以古義實今事利害之興作史治之循墨

昌言無所隱避聞之莫不震動王者唯唯不能不爲
理奪也是時場屋之文競學浮麗爭爲闢緩子一造
千疏通實博之域脫稿流傳然子一孤行一意不肯
附會婁東二張主張復社士集其門者如燕雀子一
多相靳故卽虞山古文未嘗以一代作手歸之其所
奉手樞衣者叢山一人而已乙亥特詔選士子一舉
第三一時同志之士想望其出以爲世用壬午舉應
天鄉試明年登進士第改庶吉士寇患已深子一多
所建白請援靈武舊事出太子討賊請號召三輔義
勇入援范文貞言之天子而烈皇善其言已竭但有周

章托之空言已矣京師既陷子一謂其同志曰吾輩
自分唯有一死然死有三節目先帝上升之日一也
發喪之日二也李賊卽僞位之日三也前此二者今
已不及以彼篡位之晨爲吾易簣之期耳此言余聞
之魯季泉
先是子一與容城孫鍾元密結義旅劫其不備賊中
亦頗有頷內應者故子一遲遲以待其至久之音塵
斷絕賊黨勸進將以四月二十九日燔燹告天以正
號位于一曰吾死晚矣以其日賦詩二章自縊死距
生萬曆戊申九月二十八日年三十七配陳氏戊午
解元山毓女子三人允枚順治戊子舉人允札增廣

生允桓庠生女一人壻徐之陵孫男八人儒烈儒燾
儒燮儒燕儒然儒魚儒庶儒秋孫女五人曾孫一人
所著有內齋集十卷日知錄五卷藏於家當子一之
未死也同邑忌之者造作飛條言其傾劍荒朝不持
士節既大鉞時方得志附益增張以報血書之役君
子亦多信之未幾而子一死君子之感雖解而蓋棺
之榮不及貞元朝士今已無多孰爲之激昂而樂道
者嗟乎子一大槩欲爲人所難自傷家難則羸衣屨
食誓終天年毋病未瘳則割臂投羹助彼方劑十八
年流離之門戶常母在堂昆弟都盡一解褐之書生

未○與○國○事○柴○也○其○來○未○始○爲○過○而○子○一○堅○心○致○命○不
欲○以○常○人○自○居○亦○可○以○諒○其○志○矣○向○使○妖○讒○不○起○則
與○倪○范○諸○公○同○騎○箕○尾○夫○又○何○說○顧○子○一○所○以○致○此
者○亦○自○有○故○于○一○上○書○見○知○於○天○子○銳○意○問○學○遠○駕
經○生○先○友○宿○艾○望○風○推○服○莫○窺○其○底○衷○加○之○旁○通○藝
事○草○草○之○苦○倪○黃○之○畫○陽○冰○之○篆○孤○姿○絕○狀○觸○毫○而
出○無○非○詩○書○之○所○融○結○學○侶○挹○其○精○微○詞○宗○稱○其○妙
絕○一○時○盛○名○無○出○其○右○子○一○亦○未○免○矜○貴○自○喜○不○知
盛○名○之○難○居○也○且○子○一○雖○學○於○鼓○山○其○所○重○却○在○經
濟○上○此○便○是○功○利○之○學○既○與○倪○范○諸○公○同○是○一○死○而

一○牽○腕○于○密○約○不○得○自○由○亦○是○功○利○誤○之○此○則○可○爲○子
一○惜○也○然○子○一○實○有○過○人○者○余○束○髮○交○遊○所○見○天○下
士○才○分○與○余○不○甚○懸○絕○而○爲○余○之○所○畏○者○桐○城○方○密
之○秋○浦○沈○崑○銅○余○弟○澤○望○及○子○一○四○人○五○行○一○覽○半
面○十○年○漁○獵○所○及○便○企○專○門○天○生○此○才○僅○供○喪○亂○之
摧○剝○乃○使○頑○鈍○如○余○者○執○簡○而○拾○其○後○可○愧○也○夫○銘
曰○天○降○逆○奄○繼○之○賊○李○蕩○覆○乾○坤○泯○絕○綱○紀○於○戲○忠
節○忠○於○天○啓○於○戲○子○一○忠○於○末○祀○前○有○其○父○後○有○其
子○一○家○之○禍○千○秋○之○美○三○十○九○年○余○始○作○諫○彼○黨○人
者○已○如○屠○豕

前翰林院庶吉士韋菴魯先生望誌銘

丙辰

歲辛亥余邂逅魯韋菴先生於越城之公所率爾談
文有契先生卽過古小學索觀鄙文每奏一篇先生
嘆嗟良久曰二川以後百年無此作矣自是余至越
城必相過從言談盡日史漢之機軸歐會之神理近
時作者竊語流傳千門萬戶其所以得所以失先生
無不詳其首尾如數一二於掌中余謂今日古文之
法亡矣錢牧齋椅席當世之疵瑕欲還先民之矩矱
而所得在俳比鋪張之間却是不能入情艾千子論
文之書亦儘有到處而所作模擬太過只與模擬王

李○者○爭○一○頭○面○先○生○固○閉○戶○讀○書○然○非○有○所○授○受○亦○
不○應○至○是○也○先○生○曰○此○先○父○與○先○伯○父○之○教○也○先○祖○
之○任○山○陽○也○徐○文○長○嘗○來○與○二○父○讀○書○二○父○聆○其○緒○
論○以○私○後○人○耳○余○象○數○論○成○欲○先○生○叙○之○先○生○曰○不○
可○某○於○象○數○未○之○能○學○也○夫○胸○中○未○明○了○而○徒○文○之○
辭○者○此○今○日○之○父○也○先○生○讀○書○三○十○年○越○中○之○人○無○
有○名○其○能○文○者○其○不○肯○爲○今○日○之○文○之○所○致○乎○自○余○
與○先○生○過○後○始○稍○傳○之○同○志○蓋○未○五○年○而○先○生○不○
可○作○矣○先○生○諱○稟○字○季○稟○別○號○韋○菴○魯○氏○爲○宋○肅○簡○
公○之○裔○建○炎○間○南○渡○遂○家○會○稽○元○末○敬○之○官○提○領○提○

領生彥名彥名生原珍原珍生勳獻生二子長城成
化進士官至南京刑部郎中次瓚再傳爲先生之高
祖大中曾祖宗程祖錦萬曆丁丑進士亦官南京刑
部郎中。考湘太學生與徐文長讀書於山陽者也。妣
陳安人先生幼有至性太學歿時方十三歲居喪卽
能盡哀安人之歿幾至滅性登崇禎癸未進士第選
爲庶吉士一時多盛名之士而以先生與魏子一周
介生王茂遠爲稱首然諸君雅好標榜自喜故後來
皆申刻薄之論爲人所咀嚼唯先生冲然不盈人亦
莫得而致難也李賊之變子一謂先生曰吾輩居此

圍城之中死固分也然死有三節目先帝上昇之日
一也李賊登極之日二也先帝發喪之日三也過此
三節目無庸死矣已而大行發引先生得先期拔身
而子一死先生念從死之不能如三良也復仇之不
能如包胥也事乖志負息機摧撞閉室不出出其書
觀之門屏之間落然不聞人聲其所與往來談經問
字者亦不過數人而已花晨月夕歡娛少而愁嘆多
余觀今世之爲遺老退士者大抵齷齪治生其次丐
資江湖又其次枯香嗣法科舉場屋之心胸原無耿
耿治亂存亡之故事亦且憤憤如先生者日抱亡國

之。賊。以。終。其。身。是。可。哀。也。先。生。風。度。峻。整。望。而。知。爲。
先。朝。之。人。物。造。次。發。語。亦。皆。玄。遠。所。謂。不。在。能。言。之。
流。而。言。者。莫。之。能。過。也。生。於。某。年。丁。未。十。一。月。初。八。
日。卒。於。某。年。乙。卯。九。月。二。十。六。日。年。六。十。有。九。娶。王。
氏。子。五。人。長。燠。先。廩。生。次。煥。先。庠。生。次。燦。先。已。酉。舉。
人。次。燿。先。次。焯。先。今。存。者。唯。燿。先。而。已。孫。七。人。長。誠。
候。選。儒。學。教。授。次。基。受。基。仁。基。雍。基。德。基。泰。基。謙。曾。
孫。一。錫。祚。燿。先。謂。知。先。生。者。無。過。余。乞。銘。其。幽。石。余。
何。敢。辭。銘。曰。

文。章。之。名。昔。歸。翰。死。步。冒。鐵。鑪。名。存。實。遠。於。燦。魯。公。

爲諾爲典。追蹤往烈。裁正在簡。館課程文。一洗其短。
豈期遯野。蓬蒿偃蹇。石渠水涸。山龍色淺。以俟君子。
灰飛律管。

萬悔菴先生墓誌銘 巳亥

予束髮出遊於澗河東所兄事者兩人曰陸文虎萬履安兩人皆好奇胸懷洞達埃壙漚泊之慮一切不入焚香掃地辨識書畫古奇器物所至鸞翔冰峙世間鬼瑣解果之士文虎直叱之若狗履安稍和易然自一揖以外絕不交談其人多惶恐退去葛袍布被郵筒束帛皆修飾合度嘗見一名士作答此兩人者極其矜慎予偶問之曰吾聞文虎履安一簽題亦有講究恐倉卒裁答爲其所陋耳其標致如此詩壇文社三吳與澗河東相閉隔而三吳諸老先生皆欲得

此○兩○人○爲○重○湖○河○東○風○氣○漸○開○寔○由○此○兩○人○文○虎○旣○
死○履○安○隻○輪○孤○翼○然○其○好○奇○日○益○甚○東○江○士○人○
皆○乘○時○獵○取○名○位○以○戶○部○主○事○授○先○生○先○生○獨○不○
受○方○王○二○帥○專○正○供○分○別○諸○公○之○召○募○者○以○爲○兵○
令○取○餉○於○勸○分○司○餉○者○兵○民○交○怨○其○在○寧○波○則○先○生○
獨○任○之○大○兵○渡○湖○一○時○士○人○諱○言○受○職○皆○改○頭○換○面○
充○賦○有○司○而○公○車○之○徵○先○生○獨○不○行○當○是○時○先○生○道○
跡○榆○林○喪○其○夫○人○已○又○喪○其○太○夫○人○榆○林○之○書○卷○青○
甌○蕩○於○兵○火○先○生○一○病○三○年○炊○烟○屢○絕○形○廢○心○死○然○
友○人○高○中○丞○在○獄○予○弟○晦○木○犯○難○僮○能○以○奇○計○出○之○

先生既無心於當世廟堂著作坊瓦模勒凡士林之所矜貴者一不以寓目有傳吳霞舟先生遺稿自海外者用故名紙書之半葉千言漫漶漏奪先生摩娑細視手抄件繫遂爲完書間或出遊則多與失職之人聚於野店僧寮間一奇事咨嗟而樂道之逮夫粵返舟出九江天風簸盪一童侍側先生疾革喟然曰此行得水坑石數片娘子香數瓣未及把玩遽爾緣絕此爲恨事耳夫家室萬里諸子寒餓先生之言不出於彼先生之好奇乃至是耶先生諱恭字履安晚年自號悔菴其先定遠人國珍從明高皇帝起兵賜

名斌北征戰歿贈明滅將軍子鍾世襲寧波衛指揮
遂爲寧波人遜國之難死之子武嗣從征交趾又死
之弟文嗣夜哨鋸門見兩炬射之炬滅而濤作溺死
於海所見之炬蓋龍目也七傳而爲曾祖諱表南京
中軍都督府都督同知理學名臣也祖諱達甫廣東
督理禦防叅將父諱邦孚鎮守福建總兵官左軍都
督僉事母陳氏封恭人總戎公禱於東岳像設而祀
之先生生而類夫像設者因以爲名舉崇禎丙子鄉
試鬱然領袖名士十年流落饑渴寒凍未嘗不爲江
湖所傳誦正復不憚然方其盛時交遊滿地事有不

可○言○風○波○消○鑠○且○盡○先○生○間○行○過○之○荒○臺○天○末○傍○徨○
而○不○能○去○先○生○卽○好○奇○乎○而○抑○鬱○懣○悴○已○見○之○於○髮○
容○矣○蓋○先○生○本○用○世○之○才○售○答○俄○傾○懸○然○天○得○置○之○
寂○莫○非○其○所○長○而○乃○忍○人○之○所○不○能○忍○斯○真○可○謂○之○
好○奇○者○也○先○生○之○病○始○於○南○安○有○毛○汧○者○先○生○之○同○
年○生○也○染○疫○將○死○同○舟○皆○欲○棄○之○先○生○爲○之○收○載○親○
其○藥○裹○沂○得○生○而○先○生○病○矣○卽○此○一○事○之○奇○亦○人○之○
所○不○可○及○者○生○於○萬○曆○戊○戌○二○月○十○三○日○卒○於○丁○酉○
十○月○初○六○日○配○閏○氏○先○十○二○年○卒○以○是○年○十○二○月○二○
十○六○日○合○葬○西○山○之○應○魯○子○八○人○斯○年○斯○程○斯○禎○斯○

昌斯選斯大斯併斯同女一人皆謝爲兆孫六人言
世培世澤世懋世德經孫女三人自文虎死後先生
始爲詩文虎之詩以才先生之詩以情皆有可傳當
其渡嶺則酸鹹苦辣之味盡矣斯年以予與先生久
故托銘其墓憶晦冥之際予過甬上文虎新死先生
病瘥剪燭相對凄惋欲斷是日先生之瘥爲之不發
十年以來歲必相過再三每一會合破涕收淚竟不
知其身在困頓無聊之中也今顧舍吾而去乎銘曰
崇禎之初石上鬱起溯河而東唯陸萬千長鋏切雲
高馳方軌塵世矣梯逢之心死大冶火烈汞飛鉛徙

陸○子○剛○折○萬○子○孤○美○空○洛○車○馬○煌○煌○流○水○子○獨○不○然○
蹙○蹙○霜○履○越○臺○振○青○商○山○芝○紫○千○年○旦○暮○以○其○有○此○

陸文虎先生墓誌銘 丁巳

陸文虎先生卒三十有二年其喪尙在淺土未亡友
黃某泫然而嘆曰是余之罪也夫乃告於世之爲郭
元振者而使契家子萬斯大董其事某月某日葬於
城西之外憶其平生崖畧而誌之先生諱符宇文虎
陸氏世爲寧波望族曾祖州丞滿祖相龍父炆俱庠
生母王氏夏氏生母朱氏四歲時大父引置膝上口
授以楊忠愍草疏傳奇先生對客輒抗聲高唱意若
深慨慕之者幼多羸疾因讀叅同悟真閉關齋禱以
爲神仙可學而至久之不効復汎濫於釋氏爲學使

周斗垣所知拔置第一授徒彙昌祝耳劉心契之有
譚星命者耳劉謂文章心力結集可望而十人之富
貴福澤文虎之文避富貴而不可得者也烏用以星
命知之已讀書南里與許孟宏王聞修兄弟交時聞
修選古文三編先生與之上下其議多所裨益孫子
長督學浙中以林憲獲自輔憲獲得一卷奇之聞修
時爲水利道子長以此卷訊之聞修曰此吾故人陸
文虎不意君摸索而得之也先生風貌甚偉胸貯千
卷擊欬爲洪鐘響一時士大夫論皆以爲陳
同甫辛卯安復出沒安各一方招辭備黨力相題拂

急先生者愈甚。先生謂兵心見於文事。鬪氣長下。同
人亂亡之兆也。凡遇刻文結社。求先生爲序者。循環
此意。雷霆破柱。冀使人聞之。而覺悟也。崇禎辛巳。復
保舉之制。副使許平遠以先生應詔。詣京入國學。上
幸學先生充班首。進退從容。上過而目之。舉壬午順
天鄉試。監國時。賜進士出身。授行人司行人。奉使闕
中。不果行。清查衛所錢糧千戶馮如斗。乾沒獨多。恐
發覺。刺先生於廳事。不殊歸。而養病。結雪瓢于白岩
山。丙戌十月初十日卒。年五十。配陳氏。范氏。陳氏子。
一人。某先生卒後。亦天女三人。全某。葛某。沈某。其婿。

也先生初爲舉子業誦習先民時取古文綠飾章句
厭而棄去旁涉語錄釋典爲沉深刻厲之文又改而
爲恢博奧蹟至於其所譚易者則取近代理明義精
之學用漢儒博物攷古之功加之湛思直欲另爲傳
註不墮制舉方域也其古文詞鵬騫海怒意之所極
穿天心月脇而出之苦干才多使天假之年自見涯
涘耳詩皆志意所寄媚勢佞生市交游而作聲色者
未嘗以片語汙其筆端也胸懷洞達熱心世患視天
下事以爲數者可了斷頭穴胸是吾人分內事丙寅
聞先忠端公七人之禍希風臯羽作楚漁父二首爲

之吳中許孟宏見而滅其紙相體仁動以告訐摧拉
異已先生上書王司馬九重禁禦之地九列大臣之
重一落魄妄男子得以隻手障天狂言作鱷在朝在
野誰無目攝之讐莫必擠阱之命從此凡百有位相
效爲負牆鞠躬以事四方屋邑失業亡命作奸犯科
之流日亦不足矣聖明在上未有信臣鉤索奸隱指
陳極瘼痛切入告者閣下據職言專轉圜納牖直俄
頃聞事耳乙亥上以湘陵震驚下詔罪已開釋罪廢
召山陰毘陵相吳縣諸君子皆有翹然自喜之心先
生以爲此消長之會也語錢虞山曰古人歎神農虞

夏之不可作某謂何必黃虞當今日中欲再見隆萬
之際士庶風物已不可得然則士大夫胸中斷不可
仍作當時縉紳受用之想服御僕從減省歛敕凡懷
貪射利乘間抵隙及故爲大言聳聽巧售傾險者預
行杜絕積誠刻意盡瘁協恭以結主知折讒口則明
盛可致不然彼方以訛訛快心此復以夫夫意得正
如、孩、糖、一、寒、一、熱、出、反、彌、甚、元、氣、隨、之、果、未、幾、而、烏、
程、排、吳、縣、傑、寮、陽、奕、先、生、之、料、事、如、此、海、寇、披、猖、鎮、
撫、閉、關、斷、旅、瞻、視、無、策、宣、城、沈、眉、生、訪、余、與、其、客、茶、
二策俱三策故降盜也精于水戰先生遇之與之談

海上事其船式柁工火器白楮皆內地所未有故能
縱橫如意三策嘆曰誠能假某戰艦三十隻勇士千
餘人當使鯨無縱鱗波有恬目先生卽大聲疾呼干
當事給以所言之半稍稍見功而鄉士大夫以門庭
養虎咎始事之人爲謀不卒而罷卽清查衛所亦是
一時名目而先生以實心行之故人驟見之而駭遂
及于難雖才堪濟世儵然常有世外之致辨書畫識
金石古奇器焚香掃地與名僧聯床對語嘗作誓告
紫柏文手書一冊寄南康推官錢沃心焚歸宗寺古
松下古松爲紫柏所呪活者也余束髮出游吳來之

謂于鄉陸文虎志行士也歸而納交于先生從此左
提右挈發明大體擊去疵雜念終身惻惻之力使余
稍有所知者眉生與先生二人而已在武林南京余
晨出循通衢委巷搜鬻故書薄暮一僮肩負而返先
半邀之要路信宿還書必向余述其梗槩如此盛事
於今那復可得乙酉十月十日先生過我草堂嘆息
天下事明年訃音亦值是日何其相感之神也銘曰
爾東衣鉢玄黃自始凡偶兼混布霧十里於唯先生
暨友萬子分別氣類澗石在水後來清流未喪南指
嗟我越中尙如月死危言之功曷其可已

劉瑞當先生墓誌銘 壬子

崇禎間吳中倡爲復社以網羅天下之士高才宿學
多出其間主之者張爰先張天如東浙馮留僊鄒繼
與之枹鼓相應皆喜容接後進標榜聲價人士奔走
輻輳其門蓬華小生苟能分句讀習字義者挾行卷
西棹叟江東放慈水則其名成矣其間模楷之人文
章是以追古作議論足以衛名教裁量人物譏刺得
失攬政聞而意思之以爲東林之似續也當是時慈
水才彥霧會姜崑愚劉瑞當馮玄度馮正則馮單溪
諸子莫不爲物望所歸而又引旁近縣以自助甬上

則陸文虎萬履安姚江則余兄弟聯木澤瑒蓋無月
無四方之客亦無會不諸子相徵逐也嗚呼盛矣瑞
當於諸子中芒寒色正諸子皆引爲畏友初與嵇愚
齊名坊刻行世稱爲姜劉及嵇愚登第又與玄度並
稱爲劉馮亦猶香山之在唐初稱劉白繼稱元白矣
交道雖廣而所至情契不過數人入閩則友會弗人
林守一之宛則結沈眉生麻孟磨梅朗三過攜李則
投夏爨仲其激揚題拂之流望瑞當嫉眉天半不可
得而覲也諸從遊先後成進士至爲天子元老侍從
其下者亦且爲二千石郡縣長吏獨瑞當贈蹶老諸

生○布○衣○揖○讓○于○博○士○前○晚○乃○以○貢○待○一○儒○官○胸○中○不
能○無○芥○蒂○友○朋○高○會○瑞○當○恒○坐○席○端○文○虎○次○之○酒○酣
耳○熱○兩○人○輒○離○席○長○歌○蔓○聲○相○和○唾○壺○盡○闕○澤○望○以
盛○名○爲○之○壻○瑞○當○喟○然○曰○吾○爲○同○輩○架○累○置○身○鑪○鞴
之○上○無○乃○益○彰○其○老○醜○耶○未○幾○而○南○北○橫○潰○聲○實○陸
沉○交○遊○事○息○返○顧○閭○里○則○耑○愚○玄○度○以○疾○死○留○仙○鄴
仙○以○憂○死○文○虎○以○刺○死○簞○溪○以○兵○死○斯○在○情○契○鯨○鯢
相○望○瑞○當○之○風○波○亦○爲○里○中○指○名○卽○場○屋○放○言○悲○歌
流○涕○亦○不○可○復○得○乃○爲○潔○供○蔬○告○於○嘗○所○往○來○者○求
法○書○名○畫○古○器○奇○花○勉○強○差○排○粹○然○不○知○有○生○之○樂

發爲詩文辭思拙句絕似圭峯積久所得嗚呼何其
衰也於是一歲之中東走訪履安西走訪余兄弟必
且再三潦倒以洩其耿耿之未下戊子夏瑞當挾其
季子一平頭奴刺小航浮江而上颶風失楫隨波蕩
瀾而至余家未幾適甬越月而以訪黃太冲萬履安
兩記來余頗怪之瑞當之往來多矣獨記此何歟再
越月計至始知其記之爲永訣也瑞當深沉有識嘗
與之謁劉先生時瑞當北上先生傳語留仙寇深事
急當爲扈從計先生不輕談機事蓋信瑞當之深也
簞溪受禍親戚不敢過其門瑞當見其夫人而謂之

曰今日之事夫人唯有自盡吾待命於此夫人死瑞當始出瑞當諱應期亦字遂當生於某年某月某日卒於某年某月某日世爲慈谿人六世祖煒廣東叅政高祖錯封山東道監察御史曾祖士逢上海丞祖廷襄父志冠封文林郎妣某氏封太孺人娶應氏繼向氏子三長甲庠生次有壬次有丁女二長適鄉進士黃宗會卽澤望也次適秦某孫男二洙濂孫女一溱瑞當卒後二十四年十一月二十五日葬於鄧山飛鳧之原甲來速銘曰先子心言之托止有姚江余固瑞當之未亡及也身歷其盛衰使余不言溪上之

風○流○後○來○無○有○知○之○者○矣○第○瑞○當○去○盛○時○不○遠○尚○且○
精○神○頌○喪○風○味○轉○墜○逮○今○一○世○余○皓○首○而○談○往○事○叨○
叨○不○已○聞○者○得○無○厭○其○頑○鈍○乎○汝○甲○其○深○藏○之○也○銘

曰

汝○南○月○旦○自○昔○重○之○不○有○君○子○孰○與○主○持○唯○瑞○當○爾○
遭○逢○盛○時○引○繩○按○墨○不○爲○詭○隨○窮○島○諸○生○清○議○自○司○
坎○壞○而○死○邪○正○逆○施○斯○世○何○樂○而○爲○君○悲○慈○水○鳴○咽○
鄧○嶺○參○差○墜○言○汗○履○莫○使○君○知○

南雷文定卷七

遼陽新治荆較訂

朱康流先生墓誌銘

丁巳

漳彖之學如武庫無所不備而尤邃於易曆三乘易
卦爲二十六萬二千百四十四以授時配之交會閏
積羸縮無不脗合詩與春秋遞爲爻象屯蒙而下兩
濟而上二千一百二十五年之治亂燎若觀火其時
及門者遍天下隨其贊之所止啼落草至於易曆
諸子無復着坐之處相與探天根月窟者則康流先
生一人而已康成善筭馬融許以登樓季通精數文

下... 莫誌... 鉅

公謂之老友古人授受之嚴大抵不能泛及也先生
博稽六藝各有論著其言象數不主邵子之說別為
先天後天八卦圖以為諸儒之言易者詳於所變而
不詳於所未嘗變變者象也未嘗變者太極也時惟
適變道必會通不察其適變則微彰剛柔有拘墟之
患不觀其會通則屈伸往來有臨岐之泣求諸物而
格之反諸身而體之究其大要不越乎知幾精義二
者而已其言小序觀亡詩六篇僅存首句則首句作
於未亡之前其下作於既亡之後明矣子由獨取初
辭頗為得之又謂鄭詩不特詞不淫聲亦不淫也詞

正則聲正詞淫則聲淫非相離之物又謂作詩有賦
比興用詩亦有賦比興射義天子以騶虞爲節樂官
備也諸侯以貍首爲節樂會時也其指事也切其取
義也直如作詩者之賦體是也大夫以采蘋爲節樂
循法也士以采芣爲節樂不失職也以婦女之事喻
士大夫非比乎以蘋芣蒹藻之菜筐筥錡釜之器感
大夫士明信之將非興乎辨古文尙書之非僞謂伏
生之書如堯典皋謨洪範無逸何嘗不文從字順至
於其誓湯誓牧誓文侯之命詞旨清夷風格溫雅雜
之二十五篇之中無以辨其爲古文也謂春

秋闕文錯簡不特郭公夏五觀於日食之先時後時可知矣論樂者謂調以此始者必以此終首尾何聲卽屬何調先生言誠如是則宮調之中商多於宮可得仍爲宮商調之中宮多於商可得仍爲商乎蓋調也者韻也古人雅淡不爲繁聲慢詞太抵一句之終曳其音以永之而已先生之折衷諸家如此要不盡同於漳架漳彖嘗謂先生曰康流沉靜淵鬱所目經史洞見一方苟覃精三數年雖羲文間奧舍皆取其宮中何必竇人之室乎自漳架懸記先生之覃精者近三十年又何以測其所至乎先生諱朝瑛字美之

姓朱氏康流其別號也說又流轉於泉寧之花園至
人曾祖侍御某祖紹臯父完初母查孀人登蒙積慶
辰進士第知旌德縣期年而以外事歸其遺張龍遠
不復仕門戶綉繆期功藝義先生所著雖世之業以
支吾八口泊然不見喜愠之色酬對親舊相索於經
術之內者惟張子待軒所著書卷雖述金陵遊草行
世天經略記文集皆藏於家生於某年乙巳九月卒
於某年庚戌三月年六十有六以弟之子翰思爲後
女三人查蕙沈研周燁其婿也孫三人嵩徵協紀孫
女二人將蕙於勤澄之弟翰思介語友陸冰修求其

其○學○余○丙○午○歲○十○一○月○同○冰○修○訪○堯○生○於○家○劇○談○徹
夜○綿○鹽○不○休○盡○於○所○記○五○經○讀○之○出○入○諸○家○如○觀○王
曾○之○圖○討○系○生○大○觀○在○冷○陵○嘗○入○何○立○子○署○中○討○論
五○經○至○此○而○二○耳○踰○年○先○生○以○各○經○畧○記○首○卷○見○奇
任○再○數○年○欲○以○一○得○之○愚○取○證○而○先○生○不○可○作○次○子
年○之○後○吾○所○願○也○

八○經○之○道○昭○如○日○星○科○舉○之○學○力○能○亡○經○某○與○某○說
子○媚○有○司○變○風○變○雅○學○詩○不○知○喪○而○喪○祭○學○禮○所○講
崩○薨○卒○葬○春○秋○不○載○演○爲○說○書○家○在○後○達○葉○道○神○理
助○語○激○聒○所○以○儒○者○別○開○天○地○漢○書○唐○疏○宋○語○明○義

百年漳衆破荒而出象數理學會歸於一異菴老人
入室弟子削筆洗硯俗儒心死漳衆之學不得其傳
葑涇之原留此一縷

徵君沈耕巖九生墓誌銘

有明之輔臣以奪情見劾者三人曰李賢張居正楊
嗣昌然劾賢之羅一峰劾居正之趙吳艾沈鄒皆有
祿位於朝唯劾嗣昌之沈耕巖則諸生也賢與居正
當天下無事之日所失不過一身嗣昌當危急存亡
之秋所關乃在社稷耕巖之言拯溺救焚縣記後事
不乘累黍又非一案諸公所言僅在一時也崇禎
子復保舉之制應天巡撫張國維以耕巖應詔請
原流寇決裂特起嗣昌於苦塊倚以辦賊而嗣昌
熊文燦之招撫爲嘗試迨遙司馬堂中敗問曰

備徒工耕巖慨然國事至此朝端尙無一人言之者
乃草綱常正而後可以正世風一疏謂金龜無選
儒之曲說君子必不出此卽嗣昌迫於君命
歷次行衽革荷戈而乃支吾旦夕安枕京之
勞中懷規避將來誤國嗣昌之肉具足食乎
樞臣等國已誤一疏謂嗣昌既不能循先朝大
復故事軍旅之寄一付文燦使其聲罪除凶
議亦豈爲後以一十二萬方張之師不爲不
百八十餘萬咸集之餉不爲不充整旅以從
推卽使而轉輿

宥之詎有漫無剪治招之不來強而後可援賊之認
帖以爲金石講盟結約猶同與國天下有不能殺人
而能生人者乎有授柄於敵而可憐敵者乎臣不知
其所終矣通政司張紹先以疏字逾額存案不上耕
巖上書通政言無使獲罪執事幸甚紹先始請上裁
嗣昌亦惶恐待罪請進劾已之章有旨這本既違式
卿不必更請封進耕巖乃槩括兩疏以就格上之旨
中不報黃漳海嘆曰此何等事在朝者不言而草野
言之乎吾輩真愧死矣臺省何楷錢增林蘭友詞林
劉同升趙士春相繼劾嗣昌最後而漳海有廷辨之

事○則○皆○發○端○于○耕○巖○也○向○若○耕○巖○之○說○行○斯○時○易○置○
嗣○昌○文○燦○流○寇○之○禍○豈○至○若○是○哉○故○識○者○以○爲○此○番○
保○舉○得○耕○巖○一○人○可○以○謂○之○不○虛○矣○
耕○巖○姓○沈○氏○諱

壽民字眉生別號耕巖世爲宣州人曾祖寵官至叅
政學者所稱古林先生是也祖懋敬蒲州丞封德慶
知州叔祖懋學翰林修撰父有恒太學生耕巖孤峭
不妄言笑爲文深入理窟而出之清真江右艾千子
至死上評許在盛名之上人駭其言而卒莫之能易
焉故其選時文耕巖之文多入文定不敢輕置於文
待一時聲名之盛吳中二張與江上二沈相配二張

謂天如受先。謂崑銅耕巖不以名位相甲乙也。上書報罷不復屑意經生之業與周鹿溪掩關茅曲俱理佐王之學無何而黨禍作既大鉞之在甯都也以新聲高會招來天下之士利天下有事行其捍闔耕巖劾楊疏尾有大鉞妄畫條陳鼓煽豐芑於是顧杲吳應箕推耕巖之意出南都防亂揭合天下名士以攻之大鉞恨甚以爲主之者鹿溪也及大鉞得志曲殺鹿溪按揭中姓氏次第欲誅之而以耕巖爲首余亦與焉且聞溧陽亡命投止耕巖矯詔將下溧陽返北耕巖遂變姓名入金華山中南都亡而事解耕

巖遂不返故園東遷西徙入山惟恐不深瓶粟既罄
採藜藿以續食有知而餉之悉行謝絕曰士不窮無
以見義不奇窮無以明操郡守朱元錫曾寄十金耕
巖意不欲受皮置壁中三年塵甑未嘗一發視也溧
陽旣相將特疏薦之耑使寓書耕巖不開封對使焚
之溧陽意猶未已耕巖寄書謂之曰龔勝謝枋得其
智非不若臯羽所南也而卒以隕厥軀者緣多此物
色故耳故凡今之欲徵僕薦僕者直欲死僕者也溧
陽嘆曰先生所謂名可聞身不可得見者也乙未始
返故廬松菊無存田園半割或請直詣曰身旣隱矣

焉用直之然避人愈深其名愈著當事或邀之半道則望望而去比之元亮人以爲隘焉乙卯五月屬疾門人吳肅公侍耕巖命其載筆曰以此心還天地以此身還父母以此學還孔孟語畢而卒是月之三日也年六十九遺集若干卷開道錄若干卷配徐孺人先十九年卒子六人洙燮榆鑑埏逢將以某年塋於某所耕巖重然諾一切皆有至性友人周梅骨死海外其子幼耕巖渡海塋其骨鹿溪之歿也家業零落覩諸孤爲逋負所逼耕巖鬻田以償之不足貸諸人又不足屬諸門人鹿溪始有完耶故自言才疎意廣

甲申以前貸金至六百以上皆急朋友之急也余少
遭患難輟業者久之庚午邂逅耕巖於南中惻惻之
力何日忘之癸酉耕巖訪余至姚江戊寅余訪耕巖
至死上而不遇改草以後兩番寄詩亦不知其達不
達也甲辰在姑蘇與鄒文江約將以秋冬之際同訪
耕巖日復一日文江不來而老母年登九旬余遂不
可遠行矣茫茫禹跡余之不可以告人者欲向耕巖
盡之豈料竟無相見之期耶乙卯八月接耕巖永訣
一書乃是年四月二十日所寄去易簣十有三日耳
以數年不通尺一忽得之易簣之際不可謂非吾兩

人之冥契也。先生之子逢不遠千里求誌幽石。余泣
然和淚而銘曰。吳門之卒卽攻王氏之人。西臺之哭卽劾似道之臣。
嗚呼耕巖千載同論。

陳定生先生墓誌銘

甚哉小人之愚也。小人之仇君子必指之爲朋黨。大書深刻列其姓名將使後世之人同心疾之也。然蔡京立元祐姦黨碑而三百九人者後人各爲之列傳。韓侂胄立慶曆黨人碑而劉後溪遂以慶曆黨人之名名游監簿之墓黨人之家亦各以其名名其門第。原小人之心固謂被是名者不勝其辱矣。孰知適以榮之耶。天啓間逆奄竊國是時有百官圖邪黨錄天監錄同志錄點將錄依之以盡殺朝廷之士所謂東林黨人也。其間侍從之臣楊左以外宜與少保陳公

爲之魁崇禎末阮大鍼作蝗蝻錄以復社名士填之
謂是東林後勁欲依之以盡殺天下之清流其間定
生先生爲之魁按元祐黨人唯司馬光司馬康范純
仁范正平呂公著呂希仁父子名在黨籍而先生之
父子實似之訖今四十年貞元朝士無多劫塵冷落
天子開明史局根括天下藏書於是東林黨籍稍稍
復出而先生父子皎然與日月爭光可不謂之榮耶
先生諱貞慧字定生陳氏爲止齋之後由永嘉徙宜
興遂爲望族會祖諱憲章祖諱一經皆贈左都御史
父諱于庭仕至左都御史贈少保母張氏贈夫人生

毋湯孺人少保四子長貞貽有文名而天次貞裕天啓甲子舉人次貞達戶部主事左遷順天知事國變死節季卽先生也先生幼而奇傑少保喪其才子居恒鬱鬱不樂顧先生在側曰頼有此耳弱冠補弟子員廩於學宮侍少保宦遊南北凡朝政之缺失君子小人之消長口談筆記皆出經生聞見之外居家孝謹庭闈之內無疾言遽色念長兄之才恐其遂至淪沒因梓行其書少保沒同邑故相以生前睚眦修怨其孤有取子毀室之虞先生楮定良苦故相知其不可以力屈也好言慰藉之先生落落如故時周仲馭

沈眉生讀書勾曲先生與吳次尾讀書毫村皆好佐王之學獨持清議裁量公卿天下望之如鑠鄒出匣當是時烏程執政八年以禁錮東林爲事淄川韓城承有衣鉢東林雖時出彈射有勝有不勝而終不能覆妖鳥之巢以得志于時漳海在獄利害尤急三吳君子間出奇計謂不如援彼黨一人以爲兩家騎郵庶放東林出一頭地僉諸故相而故相所最嬖者爲阮大鍼大鍼亦從吳中咕囁耳語曰苟使人鍼得改乎諸君所謂生死而骨肉也灘灰陽燄置酒高會南中之上入其牢籠者強半中諸公恐仲馭未之許

也邀之半道會于虎丘天如來之以謀告仲馭持論

不下

此仲馭親爲余言
今人恐無知者

會肩生保舉入京劾楊武陵

并及大鉞妄畫條陳鼓煽豐邑大鉞始阻喪先生與
次尾因草留都防亂揭顧子方曰大鉞者吾祖之罪
人也吾當爲揭首其次則天啓忠臣之家故余與左
魏繼之一時勝流咸列其姓名大鉞杜門咋舌欲死
故相出山大鉞猶不忘援手故相曰南中議論與吳
中駁異未便可動大鉞曰廢籍馬士英某之化身也
其可乎故相諾之而去崇禎己卯金陵解試先生次
尾舉國門廣業之社大畧揭中人也邕山張爾公歸

德侯朝宗死上悔明三燕湖沈崑銅如臯冑碎疆及
余數人無日不連輿接席酒酣耳熱多咀嚼大鉞以
爲笑樂士英定策大鉞暴起國狗之瘐無不噬也遂
廣揭中姓名以造蝗蝻錄思一網殺之仲馭下獄死
眉生次尾崑銅皆亡命余與于方從徐署丞疏逮問
而先生亦爲校尉縛至鎮撫事雖解已瀕十死矣若
是乎弘光南渡止結得留都防亂揭一案也國亡之
後殘山剩水無不賦賦可念埋身土室不入城市者
十餘年先生卽甚貧乎而遺民故老時時猶向陽羨
山中一問生死流連痛飲驚離吊往恍然如月泉吟

耐也所著有皇明語林山陽錄雪岑集交遊錄秋園
雜佩八大家文選若干卷生于萬曆甲辰十二月九
日卒于順治丙申五月十九日年五十三配湯孺人
左都御史湯公兆京女子男五人長維崧翰林院檢
討次維嶠庠生次維岳太學生次宗石黎城縣丞次
維岡女二人吳璟吳全昌其昏也孫男四人履端履
慶尹灑孫女十一人維崧以先生卒後六年十一月
葬于毫村新阡又後十有八年從京師而幣寄余求
銘幽石維崧以博學宏儒徵入史局天下方藉以發
潛德之幽光而况于其先公乎乃不憚數千里之遠

嗚呼是爲弘光黨人之墓倭臣過之尙避其風雨
下訊草野其亦司馬子長微于夏無月之意歟銘曰

汪魏美先生墓誌銘

汪魏美之卒徐蘭生屬余誌銘曰吾當先之以狀也
荏苒十六年狀不可得頃見蘭生十哀詩畧具魏美
事實又見金道隱汪孝廉傳因採兩家之言而誌之
以覆蘭生使授其子魏美諱渢新安人徙於錢塘祖
父某父某妣某氏魏美孤貧力學舉崇禎己卯鄉薦
乙酉兵亂奉母入天台海上師起群盜滿山始返錢
塘僑寓北廊室如懸磬處之愴如當是時湖上有三
高士之名皆孝廉之不赴公車者魏美其一焉常事
亦甚重之監司盧公尤下士一日值魏美於僧舍問

汪孝廉何在魏美應曰適在此今已去矣盧公然之
不知應者之卽魏美也盧公遣人通殷勤於三高士
者置酒湖船以世外之禮相見其二人幅巾抗禮盧
公相得甚歡唯魏美不至爲恨事已知其在孤山放
船就之魏美終排牆遁去魏美不入城市不設伴侶
始在孤山尋遷大慈菴又遷寶石院匡林布被之外
殘書數卷鎖門而出或返或不返莫可踪跡相遇好
友飲酒一斗不醉氣象蕭灑塵事了不關懷然夜觀
乾象晝習壬遁知其耿耿者猶未下也余丁酉遇之
孤山頗諳龍溪調息之法各賦三詩契勘戊戌三宜

孟設供同坐葛仙童。巳亥二月望笑魯菴中坐。月至
三更。是夜寒甚菴中止。有一被余與魏美兩背相摩。
得少煖氣。明日余入雲居訪仁菴魏美。矢不入城。至
清波門別去。從此不復相值。有傳其在洞庭山者。乙
巳七月三十日終於寶石僧舍。年四十八。臨歿悉舉
書卷焚之。詩文無一存者。妻某氏子。澹嘗思宋之遺
民。謝翱吳思齊方鳳龔開鄭思肖爲最著。方吳皆有
家室。翱亦晚娶劉氏。開至貧。齒馬有子同居。唯思肖
孑然一身。乞食僧廚。魏美妻死不更娶。有子托于弟
行事。往往與思肖相類。遺民之中。又爲其所甚難者。

道隱言盡大地人未有死者七趣三世如旋火輪皆
熾然而生求不生者了不可得君卽不壽何患不仙
要以所苦不得無身則俟君仙後尙當與予求必死
之道此言魏美調息長生之非也道隱之所謂熾然
而生者卽輪迴之說所謂必死之道卽安身立命于
死了燒了之說也而余之論生死正是相反天地生
氣流行人以富貴利達愛惡攻取之心熾然而死之
輪迴顛倒死氣所成魏美之志如食金剛終竟不銷
此不銷者不可得死忠孝至性與天地無窮寧向尸
居餘氣同受輪迴乎道隱視此與萬起萬滅之交感

一類斷絕其種子則乾坤或幾乎息矣銘曰
學問之道在乎立志凡可奪者皆原于偽桑海之交
士多標致擊竹西臺沉雨古寺年書甲子手持應器
物換星移不堪憔悴水落石出風節委地侃侃魏美
之死靡二何意百鳥乃見狐鷲死而不亡惟此生氣

王仲樞墓表 巳酉

君諱正中字仲樞直隸保定人登丁丑進士第未謁
選索游於高唐州會大兵南下轉運銀杠亦避入高
唐大兵圍高唐州守以爲銀杠且晚是敵物不如以
此鬻城免士女屠戮流離之苦立要約使與議者押
字仲樞與焉事平轉運者上失物狀於是逮高唐守
及仲樞論死繫獄數年刑科給事中李靖理而出之
降補揚州照磨移知長興縣國變後失官避地於紹
興截江時以兵部職方司主事攝餘姚縣事是時公
私赤立剽奪爲豪市魁里正朝得劄付一紙暮便入

民舍根括金帛係僮丁壯交錯道路郡縣不敢向問
爲某營也仲撝設兵彈壓各營取餉必使經由於縣
品覈資產裁量以應之非是則爲盜賊總兵陳梧敗
於樵李渡海至姚鹵掠鄉聚仲撝遣兵擊之鄉聚相
倚角殺梧行忌仲撝者以此聲討某謂梧之見殺
犯衆惡也不當罪正中上疏救之乃止張國柱劫定
海王總兵縱兵大掠列船江上入城牢搜者二千人
仲撝攔止所圍大姓數家從仲撝丐命仲撝爲之消
息國柱終不得志而去田仰荆本徹先後過姚舟楫
蔽江皆帖帖俯首不驚鷄犬益人民之恃仲撝一時

如决水之堤焉。陞監察御史尙實寺卿朱大定。太僕寺卿陳潛夫。兵部主事吳乃武。皆從浙西來。受約束。壇山烽火達於武林。仲橋短小精悍。喜於任事。雖以武寧群從。得不爲列營所撓。亦其智計有以副之也。好讀實用之書。不事文彩。其言星象。則從閩人柯仲烟於獄中受之。行初建進。所著監國曆。元年大統曆。丁亥訪某山中。某時註授時曆。仲橋受之而去。壬辰來訪授以律。岳辛丑來訪授以壬遁。仲橋皆能有所發明。自某好象數之學。其始學之也。無從叩問。心火上炎。頭目爲腫。及學成而無所用。屠龍之技不

待問而與之言亦無有能聽者矣。雖然之音僅一仲
馮又以饑火驅走南北丁未二月遇之越城爲言年
來益困將於鑑湖濱佃田五畝佐以擊卜續食耳其
年八月十九日仲馮卒年六十九權厝於山陰之陳
常堰所著周易註若干卷律書詳註一卷子一人三
捷嗟乎某與仲馮交二十餘年與之同事而無成與
之共學而未畢仲馮生時已無人知仲馮者向後數
年復更何如此紙不滅亦知稽山塊土會塞黃河也

談孺木墓表 丁巳

君談氏名遷字孺木隸寧縣人初爲諸生不屑場屋之僻固狹陋而好觀古今之治亂其尤所注心者在明朝之典故以爲史之所憑者實錄耳實錄見其表其在裏者已不可見况革除之事楊文貞未免失實秦陵之盛焦泌陽又多醜正神熹之載筆者皆宦遊奄之舍人至於思陵十七年之憂勤惕勵而太史遯荒皇宸烈焰國滅而史亦隨滅普天心痛於是汰十五朝之寶錄正其是非訪崇禎十七年之邸報補其缺文成書名曰國權當是時人士身經喪亂多欲追

叙緣因以顯來世而見聞窄狹無所憑藉聞君之有是書也思欲竊之以爲己有君家徒四壁立不見可欲者夜有盜入其室盡發藏稿以去君喟然曰吾手尚在寧遂已乎從嘉善錢相國借書復成之陽城張太宰膠州高相國皆以君爲奇士折節下之其在南都欲以史館處君不果亡何太宰相國相繼野死君亦棄諸生北走昌平哭思陵西走陽城欲哭太宰未至而卒丙申歲冬十一月也蓋君於君臣朋友之間實有至性故其著書亦非徒爲盜名之秘經而已余觀當世不論何人皆好言作史豈真有三長足掩前

哲○亦○不○過○此○因○彼○襲○攘○袂○公○行○苟○書○足○以○記○名○姓○輒
不○難○辦○推○而○論○之○史○之○體○有○三○年○經○而○人○與○事○緯○之
者○編○年○也○以○人○經○之○者○列○傳○也○以○事○經○之○者○紀○事○也
其○間○自○有○次○第○編○年○之○法○春○秋○以○來○未○之○有○改○也○有
編○年○而○後○有○列○傳○故○本○紀○以○爲○列○傳○之○綱○有○編○年○而
後○有○紀○事○故○紀○事○爲○通○鑑○之○目○奈○何○今○之○作○者○矢○口
遷○固○而○不○屑○於○悅○宏○夫○作○者○無○乘○傳○之○求○州○郡○鮮○上
計○之○集○不○能○通○知○一○代○盛○衰○之○始○終○徒○據○殘○書○數○本
護○墓○單○辭○便○思○抑○揚○人○物○是○猶○兩○造○不○備○而○定○爰○書
也○以○余○所○見○近○日○之○爲○者其人皆無與乎文章

之事。而公然長篇累牘。行世藏家。輒欲與五經方駕。
三志競爽。豈以後世都所欺乎。君乃按實編年。不銜
文彩。未嘗以作者自居。異日有正明世之事者。知在
此。而不在彼也。君之子祺。求余表墓。余美無溢辭。亦
史法也。

張元帖先生墓誌銘

海昌有窮經之士二人曰朱康流張元帖短簷破屋
皆拚數十年之力曉風夜雨沉冥其中兩人每相攻
難故其成書彼此援引張其說以余所見兩先生
詩易言之康流但究旨要諸家聽其散殊不爲收拾
元帖錯綜積玉忘懷彼我康流於易研尋圖象盡拔
趙幟元帖宗主王程以玩辭爲本至于指歸日用不
離當下因孔子而求文周因文周而求義易則兩家
一也康流於詩美刺如霜雪元帖纏綿悽愴有流離
世故之感至取序首一語推原詩前之意則兩家一

也。○兩○人○皆○遭○喪○亂○而○皆○能○以○經○術○顯○則○人○力○信○乎○可○
與○天○爭○矣○。○先○生○諱○次○仲○字○元○祐○別○號○待○軒○曲○江○之○裔○
七○傳○至○光○翰○光○翰○子○用○忠○事○吳○越○王○屢○立○戰○功○歸○老○
海○寧○之○棗○林○河○大○德○末○仲○山○為○其○邑○許○村○塲○鹽○課○司○
子○思○賢○徙○居○城○東○其○族○始○大○祖○父○先○生○七○歲○就○
外○傳○遂○授○易○八○歲○毋○密○儒○人○疾○弱○割○股○而○愈○十○八○歲○
為○諸○生○郡○邑○聞○其○事○旌○表○之○既○而○撫○按○欲○具○奏○先○生○
辭○曰○童○幼○無○知○思○之○猶○有○餘○愧○可○復○以○此○沽○名○耶○父○
與○亭○尹○訟○直○指○聽○之○先○生○偕○父○坐○獄○於○庭○父○不○勝○直○
指○曰○何○與○諸○生○事○先○生○曰○父○子○至○情○非○明○府○之○法○可○

移直指視其贍對慷慨爲之罷訟舉天啓辛酉浙江
鄉薦虞山處之若畏友當是時坊社正盛先生所選
擬古清裁刊落浮華多發天然爲世所貴韓求仲周
介生選家巨擘亦以爲不如然先生矜貴自喜未嘗
標榜以樹聲名一時名流視爲別調先生喜親前輩
得其一言終身奉爲藥石許淮安同生初見先生語
之曰爲官自居鄉始予其慎諸先生由此一生無竿
摩郡邑之事章給事格菴邂逅先生謂曰近名事慎
勿爲之選政其一也先生憬然從此斷手先生楷模
前輩風範其與人言亦不肯作一熟軟語同學以御

史行部先生送之問今日從何處做起御史曰吾安能爲乎惟塘塞過去耳先生怫然曰天下事皆塘塞二字壞之不意足下亦有是言禱雨士大夫皆集先生倡言諸公亦知之乎一月以來無日不雲無日不雷而雨終不至上天之意視斯民之困苦若不得雨視士大夫之驕奢若不可雨其徘徊于兩岐之間乎聞者愕然先生雖苦力著書然未嘗忘世學雙劍學長鎗皆精其技久之棄去先世充亭戶其業者苦於官課先生置義田一百七十畝以除其害邑令以清下致擾而難於驟改先生曰明府志在利民不利

則已非無執持也。令然之房師吳以時上疏請定胥吏稅役以寬民賦。先生論其不可惡胥吏而稅之亦抑末之意也。既稅其役則胥吏有辭於偷矣。邑故有黃生絹役前令革之。奸民謀復以便乾沒。先生言於石守乃已。先生以人利害爲身苦樂。故興利除害之際必毅然當之。不讓然以五十餘年老孝廉八科下第。不當纖芥之任。天下搖搖如覆舟。袖手旁觀。歛歔嘆息。其設施之可見者。鄉邦一二細事耳。豈不可惜哉。余嘗疑世風浮薄。狂子僂民。群起糞掃六經。溢言曼辭。而外豈有巖穴之士爲當世所不指名者而先

生○孤○燈○欸○對○意○通○響○象○別○有○寒○餓○相○與○綢○繆○沈○繼○震
 字○子○起○武○林○人○矮○几○折○足○俯○首○以○注○六○經○婦○抱○女○孩
 徙○倚○四○壁○寒○風○凜○然○不○知○世○間○富○貴○為○何○物○先○生○云
 孤○苦○四○十○餘○年○天○心○來○復○賜○以○子○起○又○云○世○人○皆○飽
 死○而○子○起○獨○餓○死○子○起○即○捧○此○拷○腹○可○見○列○聖○于○地
 下○若○輩○飽○死○更○何○益○胡○廷○試○字○玉○呂○餘○姚○人○嘗○為○弁
 洲○塾○師○蠅○強○不○肯○伏○弁○洲○臨○卒○欲○聞○炮○聲○散○其○鬱○結
 終○夜○不○徹○乃○瞑○一○生○知○已○先○生○一○人○而○已○然○則○世○非
 無○其○人○能○知○其○人○之○人○少○也○先○生○既○知○其○人○矣○得○無
 以○死○後○餘○力○引○而○齊○之○使○子○起○玉○呂○亦○從○先○生○而○傳

乎○余○故○序○之○先○生○誌○後○猶○昔○葉○水○心○之○例○也○先○生○以○
康○熙○丙○辰○四○月○某○日○卒○年○八○十○八○娶○徐○氏○子○三○人○昂○
貢○生○晟○庠○生○景○國○學○生○皆○先○卒○孫○一○人○訥○諸○生○曾○孫○
三○人○貞○觀○正○觀○永○觀○皆○余○兒○百○家○之○門○人○也○卒○後○幾○
年○葬○於○某○原○訥○鑕○墓○石○再○拜○求○銘○銘○曰○
我○於○先○生○把○臂○語○溪○高○冠○岌○岌○長○佩○陸○離○又○後○十○年○
訪○于○海○涯○一○樽○相○對○祈○死○爲○辭○會○不○十○日○臯○復○隨○之○
維○此○十○日○留○以○待○義○宋○之○遺○民○經○之○大○師○書○帶○環○墳○
千○載○如○斯○

李杲堂先生墓誌銘

文章不特與時高下亦有地氣限之朋越兩郡其地

密邇同一風氣明初楊鐵崖戴九靈

戴寓明州

爲文學宗

老唐丹崖謝元功趙謙比肩而作宋無逸鄭子子皆

楊門弟子其時師友講習炳然阡陌一時號爲極盛

凌夷正嘉而後競起邪宗孫文恪輸心於槐野余君

房瓣香於子威赤水月峯疎密不同而文勝理消謂

論語爲孔子之文選耳苟肆狂狷無所取裁陳後岡

徐文長雖異趨時風衆勢無以發伏龍之雄氣卽如

陽明之文韓歐不足多者而謂文與道二溝而出諸

文苑是故。兩郡作者。做精神乎。蹇淺由來矣。先生初亦不避輕華。其後每得余作。往往嗟悒。因相與校覆。雅鄭洗其偷薄之說。推原道藝之一先生。不以余空。隙一介之知而忽之也。自此轉手。大放厥辭。同里稍。稍響應。翻然於不迫。於是東浙始得古文正路。而由之。四境之內。凡有事於文章者。非先生無以訖意。轉相求請。充物昔席。方外詩人得先生一言。便可坐高聲。價款門雲水。疲於應接。里中有鑑湖社。做塲屋之。例糊名易書。以先生為主考。甲乙樓上少長。畢集樓下。候之一聯。被賞門士。臚傳其人。拊掌大喜。如加十。

賈明州自東沙好文下士主張藝林士無不捧珠盤
而至者然其氣力足以鼓動不盡關著作先生以布
衣幾與之頡頏而肺疾爲梗流放家門海內知之者
尙未滿其量也先生諱文亂字穀嗣今以字行別號
杲堂宋忠襄李顯忠之後世居清澗忠襄曾孫守真
始遷於鄞其下六世是爲先生之高祖循義嘉靖癸
未進士御史出守衡州曾祖生威舉於鄉官鳳陽府
推官其孫卽守貴州之巡撫標也因贈兵部尙書祖
德升永平衛經歷父櫛崇禎丁丑進士禮部儀制司
主事先生風骨不羸年十二三能詩卽有秀句十六

爲諸生侍儀部官嶺外通人張孟奇深所歎異歸而時名方起直兵革之際睚眦觸死儀部下省獄先生亦駟至定海縛馬廐中七十日事得解儀部之喪從省至放聲一哭遂絕意人世穿窬草石與失職之徒萬悔菴徐霜臯高辰四諸君緣情綺靡音調淒涼先生雖不逃禪而酒痕墨蹟多在僧寮野廟木陳悟雷山曉天岳皆結忘年之契四方勝流之至甬上者先生卽匿迹甚深亦必停車披帷詩酒流連否則似乘橐而歸矣先生愍郡中文獻零落倣遺山中州集例以詩爲經以傳爲緯集甬上者舊詩搜尋殘帙心力

俱○枯○其○布○衣○孤○賤○尤○所○悅○結○宛○轉○屬○人○則○頓○首○一○寧○
使○其○感○動○奪○之○鼠○塵○積○篋○錫○笛○之○下○以○發○其○光○彩○若○
片○紙○未○出○先○生○自○比○長○吉○之○中○表○藥○乎○有○不○祥○之○懼○
焉○書○成○立○詩○人○之○位○祀○以○少○牢○聞○者○爲○之○軒○渠○張○司○
馬○死○故○國○先○生○葬○其○兩○世○楊○侍○御○文○瓚○亦○以○連○染○死○
淺○土○十○棺○語○溪○曹○廣○葬○之○先○生○爲○歌○詩○記○其○事○凡○見○
聞○所○及○美○事○先○生○不○肯○讓○人○先○生○尤○長○於○麗○語○使○當○
詞○頭○之○任○真○足○華○國○而○以○廟○堂○金○石○散○爲○竹○枝○禪○頌○
之○音○豈○不○可○惜○然○宋○景○濂○謂○謝○翺○方○鳳○吳○思○齊○皆○工○
詩○客○浦○陽○浦○陽○之○詩○爲○之○一○變○向○若○先○生○草○率○青○雲○

苟○非○勞○謙○覓○亦○豈○能○一○變○甬○東○之○風○氣○如○三○子○哉○
生于天啓壬戌四月二日卒于康熙庚申十一月八
日年五十九娶某氏子一人瞰女六人長適萬斯備
次適丘瑜次適沈紹雯次適林獬錦餘未行瞰將
以某年月日葬先生於某原與斯備來速銘銘曰
文之美惡視道合離文以載道猶爲二之聚之以學
經史子集行之以法章句呼吸無情之辭外強中乾
其神不傳優孟衣冠五者不備不可爲文野人議壁
稱好隨群此言余發以告先生先生曰然但苦三彭
匠石郢人霜鍾應律先生之死吾無爲贊